



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Ephemerologivm Ecclesiastio-Rubricisticum Novum

Halden, Johann Baptist

Brixinæ, 1717

Titulus VIII. De Dominica IV. post Epiphaniam, & Ferijs infra Hebdom. IIII.  
post Epiphaniam occurrentibus.

**urn:nbn:de:hbz:466:1-39937**

Missam, quando Dominicæ III. aut alteri post Epiph. ante Septuagesimam celebrandæ nullus superest Locus, ob Brevitatem Temporis inter Octavam Epiph. ac Septuagesimæ intermedij, constat ex dictis Tit. proximè præcedenti. Quibus ex Gav. hic addo sequentia: Ubi contingit minui Numerum Dominicarum post Epiph. adveniente citius Dominica Septuagesimæ, & ideo Feriâ 3. tiâ vel aliâ die proximâ fit de Officio Dominicæ III. vel sequentiū anticipatè, tunc statim, ac factum est Officiū Dominicæ, in sequentibus diebus legi debent Epistolæ S. Pauli, quæ positæ sunt in Dominica anticipata, id quod in postrema Breviarj Recognitione est decretum Te-

ste eodem Gavant. Tom. 2. Sect. 5. cap. 12. n. 13.

FERIA II. & reliquis infra Hebdomadam III. post Epiphaniam, in quibus fit de Feria, tam quoad Missam, quàm quoad Officiū aguntur omnia respectivè eò proportionaliter modò, quo dictum supra Tit. V. de Ferijs post Dominicam II. post Epiph. Porro

Feriâ IV. hujus Hebdomadæ ponendum est in Officij Nocturno *Initium Epistolæ B. Pauli Apost. ad Ephesios*: quòd si die illo, ob occurrens Festum proprias habens Lectiones in 1. Nocturno, poni non possit, ponendum est alia infra Hebdomadam die similiter non impedita, ut pariter supra declaratum.

## TITULUS VIII.

### De Dominica IV. post Epiphaniam, & Ferijs infra Hebdom. III. post Epiphaniam occurrentibus.

Quæ de DOMINICA III. post Epiph. & FERIIS infra HEbDOMADAM III. post Epiph. occurrentibus, utroque Titulo proximè præcedenti à me sunt tradita, etiam DOMINICÆ ac FERIIS Hebdomadæ IV. sunt applicanda, ac in earum celebratione observanda; cum Rubricæ tam *Missalis*, quàm *Breviarj Rom.* ibidem à me allegatæ,

ac expositæ, utrisque sint *Communes*, sive ejusmodi Dominica superfit post Epiphaniam, sive non superfit.

PROPRIA tamen DOMINICÆ IV. post Epiph. sunt sequentia: In 1. mo Nocturno Officij hodierni ponitur *Initium Epistolæ 1. B. Pauli Apost. ad Philippenses*, ut ibi. Idem est de Lectionibus II. & III. Nocturni, quæ pariter extant in loco. Ad *Benedictio*  
E 3 Anti-



Antiphona: *Ascendente JESU*; ad *Magnificat* in 2. Vesperis: *Domine, Salva nos &c.* Oratio propria, uti & *Missæ* in qua *Gloria*, & *Credo*. Quòd si hæc Dominica venerit ante Festum Purificationis B. V. M. Oratio 2. erit de S. Maria: *DEUS, qui salutis æternæ &c.* 3. Contra Persecutores Ecclesiæ, aut pro Papa, ut ibi; Si verò venerit post Festum Purificationis, tunc 2. Oratio erit ad poscenda suffragia Sanctorum, quæ incipit: *A Cunctis*; Tertia autem diceretur ad libitum Sacerdotis. Circa has duas Orationes Gavantus Tom. 1. Tit. 9. n. 2. item 15. in fine, & 16. lit. I. monet sequentia: 1. mò in Oratione à *Cunctis* Littera N. exigit Nomen *Patroni*, seu *Titularis Ecclesiæ*, in qua celebratur. 2. dò quòd si *Patronus* illius Ecclesiæ sit S. *Michael*, aut S. *Joan. Baptista*; tunc in Oratione à *Cunctis* juxta Rubric. recentior. *Missal.* Nomina dictorum Sanctorum præponenda sunt Nominibus SS. Apostolor. Petri & Pauli. 3. tiò si dicatur *Missæ* [v. g. *Votiva*] de ipso *Patrone*, seu *Titulari*, qui alioqui nominandus est ad Litteram N. in Oratione à *Cunctis*, tunc, ne de eodem bis fiat explicita mentio in *Collectis*, vel debebis omittere *Patroni* Nomen in Oratione à *Cunctis*, vel ejus locò aliud poteris nominare pro tua Devotione. 4. tiò In 3. tià Oratione ad libitum cavere debet Sacerdos pro sua modestia, ne coram Prælato suo, aut Persona Principe, dicat Orationem, quæ habet Titulum: *pro se ipso Sacerdote*: tunc enim orandum potius ex reverentia pro ipso Episcopo, seu Principe præsentem. 5. tiò Quando contingit à summo Pontifice, aut Episcopo Diocesano &c. mandari, ut pro publica Ecclesiæ causa quotidie [post Orationes diei] dicatur certa Oratio, v. g. *DEUS Refugium &c.*, aut alia, tunc hæc supernumeraria Oratio vel dicenda est locò Orationis tertiæ ad libitum, vel addenda præscriptis à *Missali*, tanquam Commemoratio, in duplicibus, *Dominicis*, & *Festis semiduplicibus*: Decevit tamen S. R. C. 1627. 28. Aug. omitti regulariter debere prædictam Orationem in Festis 1. mæ Classis, nisi scilicet [inquit Bauldryus] aliud expressè statuatur à Majoribus, hoc est, à Papa, seu Sac. Rit. Cong. aut etiam Episcopo, si opus sit, quoad certum tempus tantum; Imò & in Festis 2. dæ Classis [teste eod. Gavanto Tit. 9. n. 16. cit.] Usus Communior insigniorum Ecclesiarum Urbis est, ut neque dicatur in *Missis* etiam privatis, ne dum in solemnibus, eamque consuetudinem ibid. approbat Gavantus, & Directorium quoddam Parisinum, ad ejus calcem hoc subjungens Monitum: *Cum aliqua Oratio quotidie dicenda est in Missa ex mandato Episcopi, S. R. C. decevit, ut omitteretur in Festis 1. Classis; pari jure omittenda est in*  
*Domini*



\* Dominica Palmarum: & in Vigilia  
 " Pentec: juxta usum insigniorū Urbis  
 " Ecclesiarum &c. Ceteris diebus dici  
 " debet: dicitur autem tanquam ad-  
 " ventitia, itā, ut semper ei præmit-  
 " tantur illæ, quæ jam aliunde præ-  
 " scriptæ sunt. Quod si contingat,  
 " ut 3. Oratio recitanda sit ad libi-  
 " tum, hæc adventitia tertium obtri-  
 " nere locum poterit, vel alia quæ-  
 " liber, quam ista 4. locò subsequa-  
 " tur. Hactenus illud Director. ac  
 proinde in *Festis semiduplicibus* [ in  
 quibus alioqui Orationes dicendæ  
 sunt numero impari, & quidem regu-  
 lariter tres, idque vel in honorem  
 SS. Trinitatis, ut vult Innocent. III.  
 vel quia Christus ter oravit in horto,  
 ut cenfer Micrologus, vel in ejus  
 memoriam, qui 3. tia die resurrexit,  
 ut scribit S. Clemens ] potest Oratio  
 à Superioribus præscripta dici [ post  
 præscriptas tamen à Missali ] etiam  
 quarto locò. non superadditā Oratio-  
 ne quinta: quia hæc Oratio habetur  
 in ejusmodi Festis pro non adjecta:  
 at verò in *Festis simplicibus* [ par ratio  
 est de *Missis Votivis privatis*, utpo-  
 te ritu simplici dictis ] ac Ferijs  
 per annum, si ejusmodi Oratio ex-  
 traordinaria veniat quarto locò, sem-  
 per ei addenda est quinta, ut notat  
 Gav: & Bauldry; cum *hujusmodi Fe-  
 sta*. ac *Feria* aliunde quinque, aut e-  
 tiam septem admittant; quinque qui-  
 dem ob *quinque partem* Christi Pas-  
 sionem, septem verò, vel quia Christus

in Oratione Dominicali *septem* insti-  
 tuit *petitiones*, vel ob *septiformis* gra-  
 tiæ spiritum, ut exponunt Microl:  
 & Innoc. apud Gavantum: *Tom 1.*  
*P. 1. Tit. 9.* ubi advertit, ideo in se-  
 miduplicibus dici regulariter tres, &  
 in simplicibus quinque, aut septem;  
 quia DEUS numero *impare* gaudet;  
 cumque Numerus impar sit indivisi-  
 bilis, ideo *Unionem* hōc locò Ecclesiæ  
 Orantis significat. Quæ omnia con-  
 firmantur auctoritate Gavanti locò  
 supra cit: & Bauldry P. 3. c. 7. Tit. de  
 Oracionib: ita scribentium: In *Missis*,  
 in quibus tertia Oratio est *ad libitum*,  
 potest dici Oratio *DEI refugium* [ vel  
 alia similis à Superiore ad Tempus  
 præscripta ] ea tamen ratione, ut ser-  
 ves in *tali casu* debitum numerum  
 & ordinem, videlicet quatuor in Do-  
 minicis, & semiduplicibus; quin-  
 que in simplicibus, Ferialibus, &  
 Votivis. Addit Bauldry: Cum [ juxta  
 ipsum ] in *Assumptione Habitum*, &  
*Professione Monialium*, siquidem fiant  
 aliquo die *Festo*, non sit dicenda Mis-  
 sa Votiva de S. Spiritu, sed *Missæ dicē*  
 addenda solummodo Oratio de S.  
 Spiritu, hanc *Missæ festivæ* Oratio-  
 nibus similiter ita esse addendam, ut  
 nulla omittatur ex assignatis in Mis-  
 sali pro *Missæ currentis* diei, & si-  
 quidē tertia sit ad libitum, posse eam  
 dici de S. Spiritu. 6. to quando Ora-  
 tio à *Cunctis* dicitur ultimo locò,  
 tunc ipsa cum correspondente sibi  
 Post-Communione terminanda est



per Verba: *per eundem Dominum &c.* 7. mò Tò *ad libitum* non significat hóc locò, quòd, quascunq; velis, Orationes dicere possis, sed quòd distis ijs, quæ in Rubricis Missalis pro tali Missa assignantur pro Oratione 2. da vel 3. tia respectivè, tunc [ si Missa plures patiatur ] suprà non præscriptas addere possis aliam, vel alias, quæ tibi magis placent, at tamen cum debito ordine, ac numero pro qualitate Missæ: non enim licet relinquere eas Orationes, quæ secundò vel terriò locò dicendæ à Rubricis determinate in Missali assignantur, & in earum locum sufficere alias, à Missali non præscriptas, esto sit forsan aliqua harum ob publicam necessitatem ad Tempus præscripta ab Episcopo, veluti *Deus refugium &c.* nam neque ob hujusmodi Orationem supernumerariam ac extraordinariam omitti posse aliquam ex assignatis decisum ferunt à S. R. C. 1684. 2. Decembr.

Quòd si tertia Oratio sit *ad libitum*, poterit quidem illa etiam esse *de Sancto aliquo* pro tua Devotione, eò illam modò dicendo, quò aliqui dicitur in Missa ejus *Votiva*, ut infra, Titulò: *de Missis Votivis*: licebit quoque in casu, quo tertia Oratio est *ad libitum*, pro tertia Oratione assumere aliquam ex Missis *Votivis pro pace*, pro *Belli* aut *Pestis* avertenda Calamitate, aut pro *Inferno*, vel *Morituris &c.*, exstantibus

in fine Missalis, ut locò post citandò tradit post alios Tob. Lohner: quòd si tamen plures ejusmodi Orationes Supernumerarias admittat qualitas Missæ, in ijs dicendis attendi debet præter debitum numerum etiam dignitas eorum, de quibus est Oratio, ut suprà, & in Missali Rubr: Gen: VII. n. 5. ubi cum ea præmisisset, *Orationes Votivas* postremum occupare locum in Comemorationibus, quæcunque illæ sint [ eò quòd non concordent cum *Officio* ] mox subjungit, in ejusmodi *Orationibus Votivis*, seu supernumerarijs servandum esse *ordinem dignitatis*; puta, de S. Trinitate, de S. Spiritu, de SS. Sacramento, de S. Cruce ponendo Orationem *Votivam* ante Orationem *Votivam* de B. Maria, & Orationem *Votivam* de Angelis, vel S. Joanne Baptista, ante Orationem *Votivam* de Apostolis, & sic de alijs. 8. t. vò Quando dicitur Oratio à *Cunctis*, vel *Ecclesiæ*, non esse dicendam Orationem *contra Paganos*, aut aliam hujusmodi [ eò quòd sufficienter una contineat, quòd altera ] nec posse *Nomen Paganorum* mutari in *Nomen Turcarum*, *Hæreticorum &c.*, quando dicitur *Collecta*, vel *Missa contra Paganos*, pariter ferunt esse responsum à S. R. C. 1688. 16. April. & 29. Julij. Plura huc pertinentia Vide infra P. II. die 3. Febr. item in Rubricà gener. VII. & IX. Missal.

Petes 1. mò An tanquam Oratio



tio ad libitum in Festis semiduplicibus possit etiam poni Oratio *Fidelium*, aut alia pro *Defunctis*, v. g. pro Defuncto Sacerdote, vel Patre, aut Matre celebrantis &c, locò alterius Orationis ad libitum? Respondet P. Lohner Instruct. I. pract. P. IV. Tit. 3. §. 2. n. 4. affirmativè contra nonnullos de hoc dubitantes, quorum Rationem dubitandi ibid. solvit, & suam Sententiam in Comuni praxi, & idonea simul fundat ratione: rectè tamen ibid. monet, quòd, quando Orat: *Fidelium* per modum Collectæ in ejusmodi Festo semiduplici dicitur, dici id debeat 2. d. seu penultimò locò, illius scilicet Collectæ seu Orationis locò, quæ alioqui secundum seu penultimum locum requireret, si non diceretur Oratio *Fidelium*, aut alia pro uno, aut pluribus Defunctis in tali Missa: Quandoquidem universalis apud Rubricistas receptum est Regulâ, quòd, sicut in Missis de *Requiem*, in quibus plures dicuntur Orationes, Oratio *Fidelium* semper debet poni ultimò locò, ita in *Missis Vivorum*, in quibus dicuntur 3. aut etiam plures Orationes, Oratio *Fidelium* (idem erit, si locò hujus Oratio alia pro uno, aut pluribus Defunctis dicatur) locum penultimum sibi vendicet, & hoc etiam in casu, quo in hujusmodi Missa faciendâ est Commemoratio de occurrente Festo simplici.

Petes 2. d. : cujusnam sit præ-

scribere Orationem supernumerariam modò supra dictò pro *publica causa*, aut *necessitate* in duplicibus, semiduplicibus, & Dominicis dicendam: an nempe id etiam possint Superiores Regulares, an verò solummodo Papa, ac Episcopi locorum ordinarij? R. 1. mò certum mihi videri, posse illos determinare unam, posito, quòd à Pontifice indicta sit una indeterminata. Resp. 2. Posse meò judiciò (salvo meliori) ad certum tempus ex justa & gravi causa ejusmodi Orationem præscribi (ita tamen addendam, ut nulla ex assignatis in Missali omittatur) etiam à Superioribus Regularibus, per se loquendo, ac juxta statuta seu consuetudinem sui ordinis; cum enim Rubricistæ, nominatim Gavantus, Bauldry, & alij, cum agunt de casu, in quo *accidit* (sunt eorum verba) *ut à superiore aut superioribus decernatur, ut pro publica causa dicatur Oratio: DEUS refugium, aut alia*, loquantur de Superiore Ecclesiastico generatim, sine exclusione Regularium, etiam his videretur competere potestas indicendi ad Tempus (quod regulariter in nostra Societate est trium Mensium) ejusmodi Orationem supernumerariam; id quod etiam in praxi receptum videmus. Quinam autem Superioris regularis nomine intelligantur, vide apud P. Gobat Tom. 1. P. 1. Tr. 8. n. 417. & 418. ac ibi citatos: Quid verò

F

verò



verò nominatim Superioribus tam Provincialibus quàm Localibus nostræ Societatis fit observandum juxta suum Institutum ac suas Constitutiones circa indicendas suis Subditis procurrentibus necessitatibus Orationes extraordinarias &c, habetur in eorum Regulis c. 2. in fin. &c. *libro*

Petes 3. An etiam pro necessitatibus privatis superaddi possint Orationibus à Missali præscriptis Orationes Votivæ, v. g. pro infirmis, & alijs? *q.* Extra Festa 1. mæ & 2. dæ Classis concedi id quidem à Bauldryo & alijs apud Andr. Piscara; rectè tamen addit uterque, melius & consultius esse abstinere ab hujusmodi Orationibus, ac strictè observare Rubricas Missalis, sicque per obedientiæ meritum, aut etiam magis feriam ejusmodi privatæ necessitatis sub *Memento* factam Commendationem, Votivas ejusmodi Commemorationes compensare.

Si in hac, aut sequentibus 2. Dominicis occurrat *Festum simplex*,

aut dies infra Octavam, fit de ijs Commemoratio modò in Dominica II. & III. declaratò.

Feria III. infra Hebdomad. IV. post Epiph. ponitur in Officio *Initium Epistolæ B. Pauli Apost. ad Colossenses*: & Feria V. *Initium Epistolæ I. ad Thessalonicens.* Sabbatò autem *Initium 2.* Quæ *Initia* (idem est de *Initio Epistolæ*, quæ dicitur in 1. Nocturno præced. Dominicæ) si die suo ob occurrens Festum habens proprias Lectiões in 1. mo Nocturno, poni non possint, ponuntur die alio non impedito, modò superius declaratò.

Ferijs infra hanc Hebdomadem currentibus, siquidem fiat *Officium de Feria*, resumitur *Missæ* Dominicæ proximè præcedentis (nisi fiat, aut facienda sit *Missæ de Requiem*, aut dicatur *Missæ Votivæ* &c.) cum Orationibus in ea assignatis, attamen sine *Cloria & Credo*, cum *Benedicamus Domino* in fine *Missæ*. *Col. Virid.* Vide dicta superius Tit. V.

## TITULUS IX.

De Dominica V. post Epiph. & Ferijs infra Hebdomadam V. post Epiphaniam currentibus.

Quæ suprà Tit. 7. de Dominica Epiph. currentibus, à me sunt tradita, huic quoque Dominicæ, ac Ferijs infra Hebdomad. III. post Epiph. infra Hebdomad. V. post Epiph. *occurr.*